

摘藻堂四庫全書薈要

集部

欽定四庫全書會要卷一萬三千二百四

集部

世宗憲皇帝御製文集卷二十六

詩 雍邱集

荷花

裊裊搖波碧亭亭映日紅
芳能消暑氣秀獨占薰風葉
翠遮塵蓋莖香勸酒筒
仙姿時一挹清潔與心通

夏日樓前

柳布濃陰覆釣磯
樓前翠嶂綠成圍
驟過白雨長虹見

點破青天一鳥飛
閒處方知塵事擾
靜中始悟道機微
不煩驅暑搖團扇
水面風生透葛衣

七夕

沉李浮瓜乞巧筵
銀河今夜渡仙輶
鴛鴦樓看霞成錦
翡翠屏開月上弦
滴露梧桐秋影薄
凌波菡萏晚香鮮
綵盤鍼線年年事
一瞬歡期萬劫緣

再過大覺寺

一徑烟蘿夕照深
山窓幽竹更添陰
老僧譚法揮松麈

異鳥啣花斂雪襟

山中有白鶻

閣響鐘聲傳密義潭空雲影

鑑禪心頻來端愛風泉潔却向無弦聽好音

喜晴

陰翳看銷盡晴光喜滿局雲歸天湛碧雨過樹餘青癡
蝶深藏蕊遊魚戲逐萍無塵憐淨几偶一閱金經

秋夕泛舟

芙蓉吐艷溥清露楊柳垂條曳晚烟幾點鳬鷺驚
一湖風月載蘭船棗懸碩果心皆赤茱萸香包實本圓

攬得秋光遊興劇清宵景物倍鮮妍

中秋

雲歛星踈淨碧穹月圓今夕正秋中十分明照三垣徹
一片光含萬象同樽泛金波涼灩灩花浮玉露濕濛濛
恍疑夜半聞仙樂滿院香飄桂子風

園景十二詠

深柳讀書堂

鬱鬱千株柳陰陰覆草堂飄絲拂硯石飛絮點琴牀
鶯

轉春枝暖蟬鳴秋葉涼夜來窓月影掩映簡編香

竹子院

深院溪流轉迴廊竹徑通珊珊鳴碎玉裊裊弄清風香
氣侵書帙涼陰護綺櫳便娟蒼秀色偏茂歲寒中

梧桐院

棹泛灣灣水橋通院院門吟風過翠屋待月坐桐軒秋
葉催詩落春花應節繁祗應金井畔好借鳳凰騫

葡萄院

紆迴深樹裏一水暗通舟乳汁香兼潤冰丸滑欲流陰
鋪青葉護架絡翠藤稠西域傳奇種園丁獻早秋

桃花塢

水南通曲港水北入迴溪絳雪侵衣艷積霞遶屋低影
迷棲棟燕聲香隔林雞檻外風微起飄零錦墮泥

耕織軒

軒亭開面面原隰對昀昀禾稼迎窓綠桑麻罕地新簷
星窺織火渠水界田畛辛苦農蠶事歌詩可繫幽

菜圃

鑿地新開圃因川曲引泉碧畦一雨過青壤百蔬妍潔
受沾晨露鮮宜潤晚烟倚亭閒佇覽生意用忻然

牡丹臺

疊雲層石秀曲水繞臺斜天下無雙品人間第一花艷
宜金谷賞名重洛陽誇國色誰堪並仙裳錦作霞

金魚池

甃地成卮字注水蓄文魚藻映十分翠欄圍四面虛泳

游溪漲後潑刺月明初物性悠然適臨觀意亦舒

壺中天

峯峻疑無路雲深却有扉鶴閒時獨唳花靜不輕飛洞裏春長駐壺中月更輝一潭空似鏡碧色動簾衣

澗閣

平橋依麓轉一帶接垂楊閣峻橫雲影欄虛漾水光度香花外廈挹翠樹西廊倚檻看飛鳥披襟引興長

蓮花池

雲錦溥新露紛披映柳塘淺深分照水馥郁共飄香
姿美天然潔波清分外涼折花休採葉留使蔭鴛鴦

扈從水圍觀獵

河冰初泮候鳬雁集春灣號令明蒐獵威儀肅

聖顏禽從星箭落

恩自御舟頒圍罷

皇情豫歡騰鷄鷺班

秋獮扈

駕

玉帳秋風勁
朱旗霜野開
千屯瞻鳳葆
萬騎待龍媒
犬疾追狐竄
弓鳴逐鹿回

天顏微一笑
歡動震如雷

侍

駕景山觀殺虎

山擁黃扉壯
林開碧殿隈
雄風生虎腋
腥霧襲龍衣
血濺瑯戈勁
弧張利爪摧
桓桓爭奏技
斂手有餘威

湯泉

凌雲蘭殿鬱崔嵬繞檻連漪溫液迴養正爲能恒淨潔
瑩心不止盪氛埃宿含炎德珠光潤只覺陽和澗底來
著績豈徒堪愈疾溶溶一脉萬年開

上元

玉宇沉沉夜花陰皓魄升畫欄凝瑞靄綺席上春燈笛
引歌聲疊衣翻舞袖層任教蓮漏促莫負酒如澠

清明

春雲藹藹罨重城二月天容逗嫩晴雪盡柳條青可折
寒消桃蕊絳初成誰家新燕低飛影何處歸鴻晚度聲
窓外好風罇內酒鑽榆取火又清明

春日

獨有東風擅翦裁朱朱白白後先開鳥因枝密潛身隱
蝶爲香多作隊來紫陌笙歌喧陸海青郊車馬動春雷
更歌曉枕尋殘夢何事林鳩故故催

初夏扈

蹕熱河

行苑留仙蹕層巖赤城煙光濃樹色暑氣散泉聲地
僻花偏艷山深夢亦清瞻依忻

聖豫風物慰

皇情

獅子園夏日

石屋荆扉枕翠崗煙巖朝夕鬱丹蒼暮敲綠樹陰中局
酒泛紅薇架下觴珠箔晝搖新竹影玉池晚送嫩荷香

居閒漫謂全無事一榻臨風蝶夢長

山亭

蔦蘿滿樹帶煙垂
篩月梳風作幔幃
流水似琴還似筑
青山宜畫又宜詩
飢鼯竊果緣枝捷
乳雉呼群出草遲
獨倚石欄舒遠目
亭前幽谷起雲時

畫欄

熏風披拂畫欄東
照眼榴花爛熳紅
暑氣不侵松閣內
清陰長在竹窓中
由來丘壑情堪寄
即此蓬瀛路可通

次第藥階香晚露纖纖新月上梧桐

美人把鏡圖四首

手摘寒梅檻畔枝
新香細蕊上簪遲
翠鬟梳就頻臨鏡
只覺紅顏減舊時

其二

曉妝髻插碧瑤簪
多少情懷倩竹吟
風調每憐誰解會
分明對面有知心

其三

竹風颯颯振琅玕玉骨稜稜耐峭寒把鏡幾回頻拂拭
愛他長共月團圓

其四

曉寒庭院閉蒼苔妝鏡無聊倚玉臺怪底春山螺淺淡
畫眉人尚未歸來

美人展書圖二首

丹唇皓齒瘦腰肢斜倚筠籠睡起時畢竟癡情消不去
綰編欲展又凝思

其二

小院鶯花正感人東風吹軟細腰身
拋書欲起嬌無力半是憐春半惱春

題墨竹一十二首

毫端風雨集竹石氣蕭森葉葉香
含潤枝枝影結陰珍同雲母賞儼對越王吟

雲母大竹也嚴州產越王竹生大石上

展卷題新

墨清飈欲拂襟

其二

摹寫新篁致不群臨風嫋嫋墨花芬嫩梢已具凌霜節
纖葉初開个字文粉綠淨含情冷澹烟蒼乍拂翠紛紜
蓬萊何必浮筠簞始引仙鷺下喬雲

其三

爲愛清臞訂素交一林寒玉受風敲名傳嶰谷從今炫
富遜淇園任笑嘲

其四

曾聞渭川千畝竹露梢霜節連雲綠又聞湘江竹最佳

龍形鳳尾凌空矗自昔江南好事家
白樓謝館分苗族
竿竿碧玉戛吟牕
枝枝濕翠侵書屋
風晨雨夕韻堪聽
月色烟痕清可掬
蕭閒自不染塵氛
淨掃浮華媚幽獨
東坡居士曾有言
不可無竹寧無肉
畫師惟數湖州翁
興來愛寫簪簪谷
對此長莖復短莖
寒碧精神光奪目
葉不因風長欲動
恍然有聲溢紙幅
頓教爽籟發衣襟
舉觴一酌春生腹

其五

淡濃十葉五葉高下一枝兩枝瘦影娉婷綽約春煙好
爲扶持

其六

宜傍幽人宅饒多處士風清標與高節長耐歲寒中

其七

衆卉爭穠艷修筠晚色蒼嚴冬貞耐冷永夏澹生香鳳
實含霜稔龍孫帶雨長祠猶傳遯水斑尚記瀟湘獨抱
中虛質堅持歲暮芳松高隣最洽梅潔配堪當時引清

風至頻來好鳥藏
蔭堦紛翠黛
敲戶響琳琅
叔夜貪留屐
劉伶對舉觴
爽增詩裏興
影蕩石邊牀
淨植寒泉畔
移從古澗傍
截竿宜把釣
織簾可招涼
筆底何奇絕
烟雲萬斛量

其八

我亦愛修竹
手植滿萬竿
春鼓抽新碧
夏葉生嫩寒
更宜當素秋
蕭蕭舞檐端
乃至入元冬
蒼然秀可餐
帶露裛神光
遲月弄夕爽
烟雨快逸情
風雪聽幽響
能備四

時好永結平生賞
構屋豁軒墀面面曳風枝
開窓張素琴
鑿池懸釣絲
爲緣情好薦寤寐懷清姿
寫真驚墨妙灑然涵幽芬
似我國中籀綠霧凝蒼雲
爲詩歌此君聊以述所忻

其九

凌雲勁節堪延賞
應物虛心更可師
曲折欄邊千萬擇
蕭疎籬畔兩三枝
偏饒素士清高致
雅具閒僧冷淡姿
倚檻修容經雨沐
隔簾弄影被風篩
能令白傅牽詩興

不使希公笑墨癡愛此縱橫揮滿紙于今妙手勝王維

其十 三五七言

玉个个翠重重一灣流水北雙板小橋東竿短竿長皆
入畫枝疎枝密總含風

其十一 菡竹三章章三句

瞻彼菡竹有節其直惟君子之式兮

瞻彼菡竹有葉其森惟君子之馨兮

瞻彼菡竹有實其繁惟君子之飭兮

其十二
四言

青青翠竹在淇之澳其臭維馨其潔若沐簪簪修皇載
茂瀟湘慕彼清風移植我堂娟娟綠筠在渭之濱置我
軒戶淡交以親亭亭蔽玉可以濯俗筆墨靈竒寫以相
屬

題畫扇

漱灩春波十丈高水光山色入輕舸從來不借推移力
只待東風長翠濤

贈羽士二首

身在蓬瀛東復東
道參天地隱壺中
還丹訣秘陰陽要
濟世心存物已同
朱篆綠符靈寶錄
黃牙白雪利生功
一瓢一笠浮雲外
鶴馭優游遍泰嵩

其二

羽帔翩翩冷御風
醮章長達上清宮
化龍有技蒼雲繞
跨鶴無心顙氣通
玉屑駐顏千歲赤
丹砂養鼎一爐紅
真機妙諦因師解
何必羅浮訪葛翁

皇父御極之六十年歲次辛丑元日群臣上

壽恭頌

歷綿花甲周還始運行鴻鈞祝祚昌虞樂和音踰百獸
堯圖應律洽三陽壽齊天地占悠遠恩重

君親慶永長今日班衣聯劍佩年年同此奉霞觴

碧霞祠題寶旂步虛詞

寶閣冰簾紫霄龍仙風裊裊拂旂紅扇開日月飛雙鳳
座繞星辰列九宮子視群蒙敷惠澤母臨率土荷帡幪

敬將玉帛當庭獻願普慈光遍域中

其二

瓊宇璇宮日月長奇花瑶草總飄香琉璃作殿蒼龍衛
雲霧裁帷青鳥翔拂露霓旌珠燦爛御風鸞駕玉鏗鏘
常將天福人間錫獎孝褒忠佑萬方

書扇與僧

綠陰垂永晝人靜鳥啼烟脫網游金鯽翻階艷石蟬無
心猶是妄有說即非玄偶值朝來暇留師品茗泉

秋興四首

商飈瑟瑟動遙林，萬里天長白雁吟。
綠柳葉凋三徑翠，黃花蕊綻一叢金。
炎涼相代成時序，日月頻遷變古今。
不厭看雲樓上坐，秋雲解作最高陰。

其二

粼粼碧水盡樓東，蓼葉蘋絲錦滿叢。
葦放花搖雪白，疎林垂實帶霜紅。
幾番涼送梧桐雨，一陣香飄桂子風。
轉眼園亭秋色改，明霞爛熳映丹楓。

其三

天高氣肅夜淒清倚遍欄杆花外曲
光吐銀蟾箔捲珠香浮金鴨箏鏘玉
吟風爽籟自成音應候鳴蛩誰迫促
獨愛海棠紅上階漏深似爲燃明燭

其四

丹葉迎暉明遠樹碧雲被野迷孤鷺
霜澄潦水宿塵空木落秋山真面露
酒泛紅螺月檻開歌翻白紵風簾度
清幽光景最佳時遊目騁懷誰共賦

柳月

鴛鴦樓外柳條長
斜挂如鈎吐練光
恰似粧臺風鬢亂
青絲閒理玉梳涼

梅月

梅花幾樹玉玲瓏
香度黃昏細細風
新月彎環枝上映
素娥飛入蕊珠宮

松月

翠鬣蒼鱗千尺松
月光籠樹樹光濃
恍疑戲水虬龍出

天矯擎珠上碧岑

竹月

蕭蕭踈映月昏黃
浥露凝烟暈素光
陰轉粉牆鋪翠影
湖州新寫墨簷簷

梧月

梧舒新翠接檐深
潔潤偏宜好月臨
一片清光枝影瘦
綠窓人靜擬秋吟

山月

林深鳥宿夕烟填玉鏡揚輝不受扃夜籟寂然群動息
一輪飛過萬山青

池月

半畝池涵天作底一番風過水流金驚看錦鯉如梭擲
織就橫紋綠綺衾

樓月

百尺樓高逼太清廣寒宮近接檐楹夜深玉笛穿雲響
應使姮娥夢裡驚

船月

夜泛輕舟一葉飛
長江圓壁湛流輝
清光肯令空狼籍
力挽蘭橈滿載歸

宴月

花月依依入暮春
坐花醉月綺筵新
始知蟾魄無私照
瓦缶金樽各一輪

寒夜

燒燭消長夜
經霜百草乾
風吹鶴夢警
月射劍光寒
東

磬傳清梵西鐘度紫壇

卽第有東佛
樓西斗壇

新詩閒詠罷古鼎

蕪沉檀

冬日潞河視倉

曉發啓明東金鞭促玉驄
寒郊初噴沫霜坂乍嘶風
百雉重城壯三河萬舶通
倉儲開國計欣驗歲時豐

世宗憲皇帝御製文集卷二十六

欽定四庫全書薈要卷一萬三千二百五

集部

世宗憲皇帝御製文集卷二十七

詩 雍邱集

耕圖二十三首

浸種

百穀遺嘉種先農著懋功春暄二月後香浸一溪中重
糝隨宜辨筠籠用力同每多賢父老占節識年豐

耕

原隰韶光媚茅茨暖氣舒青鳩呼雨急黃犢駕犁初畎
晦人無逸耕耘事敢踈勤劬課東作扶策歷村墟

耜耨

農務時方急春潮堰欲平烟籠高柳暗風逐去鷗輕壓
笠低雲影鳴簑亂雨聲耜頭船共穩斜立叱牛行

耒

南畝耕初罷西疇耒復親四蹄聽活活十頃望畇畇蝶
舞黃萱晚鶯歸綠樹新春光長不負祇有力田人

碌碡

如輪轉機石歷碌向東臯驅犢亦何急平田敢告勞春
塍紫似帶沃壤膩於膏水族堪供餉傾罇醉蟹螯

布秧

種包忻拆甲岸畔競携筐活活衝泥布紛紛落隴香追
隨歡幼稚祝禱願豐穰氣候今年早行看刺水秧

初秧

珍惜占城種攜兒上隴來一溪添雨足盈畝喜秧開宿

露濃相裊韶陽暖復催忻忻頻咲指轉眼可移栽

於蔭

鳥鳴村陌靜春漲野橋低已愛新秧好旋看複隴齊
於時爭早作課罷豈安棲沾體魚塗足忙忙日又西

拔秧

吉辰逢社後比戶趁忙時盈把分青壤和根灌綠漪
兒童擔餉榼婦子製秧旗慣得為農樂辛勞自不知

插秧

令序當芒種農家插蒔天條分行整整佇看影芊芊力
合聞歌發栽齊聽鼓前一朝千頃遍長日正如年

一耘

飽雨纖纖長含風葉葉柔戴芟除宿莠挹注引新流陰
借臨溪樹聲傳隔隴謳炊烟村畔起歸路緩驅牛

二耘

鬱鬱平時綠勞勞一載耘理苗疎是法非種去宜勤笠
重初收霧鋤輕半帶雲日高忙餉婦稚子故牽裙

三耘

鋤耨日當午，驕陽若火燔。
耘籽須盡力，辛苦只今番。
蟬噪風前急，蛙聲水底喧。
釀花宜鬱暑，翠浪舞翩翻。

溉灌

藝奪天工巧，人勤地力加。
桔槔聲振鼓，戽斗疾翻車。
灌注畦旋滿，嘔啞日欲斜。
況魚風露美，蓂莢吐新華。

收刈

西成已在望，早作更呼譟。
刈穗香生把，盈筐露未乾。
啄

遺鴉欲下拾滯稚爭歡主伯欣相慶豐年俯仰寬

登場

紅舂收十月白水浸陂塍釀熟田家慶場新歲事登雲
堆香冉冉露積勢層層勞瘁三時過饗飧幸可憑

持穗

力田欣有歲曬稻喜晴冬響落連耜急塵浮夕照濃鼠
銜猶畏懦鷄啄自從容幸值豐亨世堯民比屋封

春碓

野陌霜風早柴門晚日多春聲接鄰響杵韻洽幽歌顆
顆珠傾篋瑩瑩雪滿籬為憐艱苦得把握屢摩挲

簾

治粒頻求潔田家亦苦心篩風當戶北避日就檐陰一
飽功非易終年力不禁君看圓似玉我愛勝如金

簸揚

朝來風色好箕宿應維南敢惜翻飛力寧教糠粃叅乾
圓輸縣吏狼藉戒童男得免催租負方無俯仰慙

磬

地結霜痕白檐虛夜氣青聲殷磬早穀風勁閉寒扃玉
色鮮堪比珠光瀉不停蒸炊謀室婦農祖薦朝馨

入倉

勤勞臨歲暮入困及良朝墉櫛寧奢望諸藏幸已饒賦
完農有暇門靜吏無囂苦廩牢封固無虞雨雪飄

祭神

雨暘徵帝德豐稔慰氓愚賽鼓村迎社神燈夜禱巫酒

漿瀉聖盞肴核獻盤盂敢乞長年惠穰穰遂所需

織圖二十三首

浴蠶

門多楊柳風溪漲桃花水村酒醞羊羔春閨浴蠶子織
織弄翠盆戢戢蠕香紙雪繭與冰絲婦功從此始

二眠

百舌鳥初鳴再眠蠶在箔陌桑青已柔隄草綠猶弱正
宜旭日和惟恐春寒作嬾忙兒不知棗栗頻啼索

三眠

春風拂簾櫳春露繁桑柘遶箔理三眠燒燈遶五夜大
姑席未安小姑梳弗暇喔喔唱鄰雞提筐邀比舍

大起

今春寒暖勻南陌條桑好箔上葉憂稀枝頭採戒早不
知春幾多但覺蠶欲老阿誰紅粉粧尋芳踏堤草

捉績

生熟乃有時老嫩莫紛糅恐煩姑與嫗服勞夜繼晝松

火發瓦盆星芒射階雷次第了架頭忽忙顧童幼

分箔

新燕掠風輕新蠶偕日長分箔天氣暄食葉雨聲響少
嬾採林間倦歸歇陌上門前桑騷騷黃雲接青壤

採桑

清和天氣佳比戶採桑急灩灩零露繁冉冉綠陰濕高
柯學猱升落萐教兒拾昨摘滿籠歸姑猶嗔不給

上簇

東鄰催早耕西舍呼浸穀花殘蜀鳥啼春老吳蠶熟蚊
蚊鞠雪腰盈盈睹絲腹剪草架初齊女郎看上簇

炙箔

溫扇花信風寒釀麥秋雨葭簾張蟹舍松盆煖蠶戶香
生雪繭明光吐銀絲縷門忌少人蹤語燕喧衙宇

下簇

前月浴新蠶今月摘新繭浴蠶柳葉纖摘繭柳綿捲膏
沐曾未施風光覺潛轉鄰曲慰勞來懽情一共展

擇繭

傾筐香雪明擇繭檐日上大半作絲綸三分充綿纈囑
嫗理從容擇慣知瘠壯所慮梅雨過插秧趁溪漲

害繭

挽袖解長裙香汗濕紅頰農事委良人蠶功獨在妾層
層下簇完勞勞害繭接作苦感天公冰雪滿箱筐

練絲

煙流矮屋青水汲前溪潔掉車若捲風映釜如翻雪絲

頭入手長左右旋轉忙
軋軋聽交響行人聞繭香

蠶蛾

鄰姑通往來暫時解忙促
出繭影翩翩翅光膩粉沃秧
苗已抽青桑葉再見綠
送蛾須水邊流傳咲農俗

祀神

豐祀報先蠶洒庭佇來格
釃酒注樽罍獻絲當圭璧堂
下趨妻孥堂上拜主伯
神惠乞來年盈箱賜倍獲

緯

盈盈緯車婦荆布事素樸絲絲理到頭的出新濯心
忙不遑食腕倦何曾覺忽聽歸鴉啼斜陽挂屋角

織

一梭復一梭頻擲青燈側豔豔機上花朵朵手中織嬌
女眠黝黝秋蟲語唧唧檐頭月漸高紙窗明曉色

絡絲

女紅亦頗勞淒然當戶嘆燈昏絡素絲夔重困柔腕纖
纖鬢影寒沉沉夜氣半妾心不敢忙心忙絲緒亂

經

昨為簾上絲今作軸中經
均勻細分理珍重相叮嚀
君看千萬縷始成丈尺絹
城市紈袴兒辛苦何嘗見

染色

深淺練線纁蒼黃運巧智
把絲曬柴荆臨風含綺思
煥然五色紛爛若雲霞熾
好語付機工金梭織錦字

攀花

織絹當織長挽花要挽雙
緒繁勞玉腕梭冷燼銀缸
新

樣勝吳綾斜文賽蜀錦成匹落誰家詎忍裁衾枕

剪帛

千絲復萬絲成帛良非偶握尺重含情欲剪頻低首紅
分的的桃青擘柔柔柳但免舅姑寒妾單亦何醜

裁衣

九月屈授衣縫紉難容緩戔戔逐剪裁楚楚稱長短刀
尺迎風寒元黃委雲滿帝力併天時農蠶慰飽暖

羣仙冊一十八首

譚元

勝境邀仙侶飛輶訪上真
瑤華拂星珮沆瀣濕雲巾
餌玉顏含彩懷丹氣自春
長生探秘訣守寂鍊形神

桃熟

移種瑤池畔今看實壓枝
香含紅熟透露濕碧榮滋
七顆盛盤日千年又摘期
朝來謁金闕甘美獻天墀

賞荷

翠盖千重合冰華萬古清
人寰誇玉井仙露勝金莖
質

秀香尤異波涼暑不生逍遙蓬島內未擬赴瑤京

鼓瑟

樹樹花如雪層層玉作天
芝栽成五色鶴養已十年
雲帔來真侶霞漿飲上仙
和歌新製曲寶瑟奏水弦

鹿輦

白鹿充仙馭青禽識羽童
期朝太素帝約會上清宮
草拾瑤池畔笙吹鬱島中
更傾瓊液酒一醉壽春紅

迎福

翠凝松萬歲香發桂雙柎地接三清境天開五福圖童
顏如冠玉仙珮總垂珠行滿虛皇召駭鷹立可須

跨角獸

凌霄丹嶂迥行處彩霞飛獨角仙家騎雙童鳥羽衣遨
遊三島徧俯瞰九河微南極尋前約雲邊啓玉扉

戲獅

青猊原瑞物長養屬仙家遲日呼童子春風試爪牙食
惟卸露草卧為護丹砂好獻通明殿天衢馭帝車

泛海

碧海長無浪紅雲不作秋月槎飄一葉蓮
瓣蕩扁舟競向銀河渡還從星渚留年年
慶帝壽玄鶴記添籌

採苓

聖人長馭世仙子啓靈踪秘結千齡餌
香腴萬載松雪霜凝珀質龍虎護雲封
釀酒充堯尊春光駐鶴容

燒丹

鉛砂和藥物松柏繞雲壇爐運陰陽火
功無內外丹光

芒冲斗耀靈異衛龍蟠自覺仙胎熟天符降紫鸞

巨桃

根盤紅日近枝聳碧雲高閨苑鄰青李瑤池映翠濤偷
須防曼倩熟擬宴仙曹莫訝如瓜大甘香勝玉膏

步雪

絳雪呈竒瑞瓊枝花遍開崑崙崙銀爛熳碧落玉崔嵬粉
蝶凌風舞霜禽接翅來海天長不夜真境識蓬萊

檜下會真

太乙鬚眉古虛皇冠佩尊元初叅得一天地論歸根瓊
液卮卮滿琪花處處繁欣看前種檜老幹已龍鶩

撫鹿

遙指蓬山麓軒臨弱水濱鹿馴眠細草沙暖覆香雲石
亦含靈氣泉皆發異芬呦呦鳴未已林外每呼羣

雙鷺

一派蕭瑤湧歌聲雲外飄青童擎羽蓋翠扇執垂髫曉
籟鳴環玉天風拂粉綃雙鷺王母使傳簡下層霄

放鶴

白羽裁為斃丹砂結作鬋九臯長嘯後華表復飛還巖
洞煙霞侶蓬瀛供奉班放教隨意去切莫戀塵寰

授法

太上乘龍降羣真曳佩叅靈科宣玉簡秘籙發金函傳
訣開丹鼎焚香結紫嵐侍仙通古篆援筆錄玄談



世宗憲皇帝御製文集卷二十七



總校官庶吉士臣張能照

校對官檢討臣王福清

膳錄監生臣朱烺

欽定四庫全書薈要

集部

世宗憲皇帝御製文集卷

二十八至三十

詳校官原任編修臣徐立綱

欽定四庫全書薈要卷一萬三千二百六

集部

世宗憲皇帝御製文集卷二十八

詩四宜堂集

苦次述哀

有序



皇考深恩慈愛過於高厚一旦背棄再覲無期遥想
音容彌殷哀慕苦塊之次言出痛忱非同寄情於詩文
也於戲罔極之德報曷能盡終天之慕辭豈可宣此篇

乃中心迫切不能自禁之詞翰林諸臣看畢各依原韻
呈進朕覽

慕思

君父泪千行四十餘年顧復長高厚深恩悲罔極瞻依
情切託靡方

天顏咫尺忽成隔庭訓趨承難再望提命諄諄猶在耳
樽彝肅肅總摧腸銜哀但覺蒼旻遠舉首惟悲白日涼
展轉心增風木恨劬勞忍誦蓼莪章

仙輶已返層霄上夜夢仍親

御座傍海水可枯石可化終天仰戀詎能忘

賜莊親王

一本論瓜瓞連枝喜最親推恩先邇室畧分講家人盡
洗膏粱習須教學業醇股肱兼耳目屬望更諄諄

賜裕親王

朱邸連雲翼紫宸屏藩重望屬親臣銀潢派接恩波近
玉葉枝分湛露新善體詒謀惟愛國遠承家法在勤民

同心夾輔應無忝長輦瑤圖億萬春

賜怡親王

天上根盤若木枝朝陽輝映日紛披
葵心北拱輸丹禁
棣萼春榮護赤墀
幹濟有才頻入告
職司無缺亦書思
忠勤佐就昇平業
長保勲名奕世垂

賜果郡王

花萼連枝夾帝京
英才挺秀信維城
冲和自保穰穰福
恭謹無勞赫赫名
同氣一堂親燕笑
推恩千禩佐休明

更期永矢忠勤節長看盤根應候榮

賜大學士馬齊

黃扉出入領朝簪宿德耆英眷注深才是濟川需作楫
功同望歲佇為霖常思國事如家事益勵臣心沃主心
喜起明良傳盛烈薰風千載播瑤琴

賜大學士松祝

玉陛覘風度金甌卜姓名常時依紫極何以福蒼生化
理資調燮訏謨屬老成公忠勤體國力為贊昇平

賜大學士白潢

密勿黃扉重清時掌國均平成需弼亮光輔貴經綸共
勉三公職無慚一个臣蓼蕭多雨露應及老成人

賜大學士徐元夢

位以中台峻名因主眷高六卿推舊德百職藉薰陶報
國訏謨切銜恩翊贊勞運籌稱自昔前席禮頻叨

賜大學士張鵬翮

一德登黃閣三台燭紫霄化功兼袞補和氣作羹調運

軸推元老持鈞序庶僚賡歌應可嗣賴爾協簫韶

賜大學士王項齡

綸扉簡命出宸衷元老官儀自古隆帝德無私資贊化
臣心匪懈在抒忠勤宣天澤敷霖雨善劑人情布巽風
一德明良歌喜起臯夔事業古今同

賜內大臣馬武

禁籞宣勞重近臣貂蟬奕葉載恩綸入叅帷幄抒丹悃
出典周廬翊紫宸鎮靜實堪心膂寄老成尤見性情純

天家歲澤無私厚勤恪應霑雨露頻

賜尚書孫柱

卿月光華燦朝廷任重臣分曹資輔國列位濟斯民正
直先寮屬端嚴領縉紳所期弘偉畧報國不謀身

賜尚書朱軾

高岳生良佐興朝重老成南宮持藻鑑北斗秉權衡忠
宣惟供職清能不近名眷言思共理為國福蒼生

賜尚書田從典

百工允敕重朝端職典樞機未易殫出納望同天北斗
清芬品擬省中蘭分曹政治調元氣補衮心懸效寸丹
日昃共期勞庶績履聲常聽下金鑾

賜尚書張廷玉

峻望三台近宗班八座尊棟梁才不忝葵藿志常存大
政資經畫訐謨待討論還期作霖雨為國沛殊恩

賜尚書勵廷儀

喉舌宣王命網維轄衆僚星辰環紫極劍履上青霄獨

坐心常凜西曹法自昭書思頻獻納退食肯逍遙

賜侍郎蔣廷錫

立政資良佐宣猷重貳卿樞機同出納郎署仰澄清自
合稱華選還期矢撲誠在公勤夙夜懋績有賢聲

賜侍郎史貽直

率屬分曹地望崇位躋卿貳賴和衷彤墀跡躡中臺履
玉珮聲含曉殿風勿憚賢勞親吏職好將兢業亮天工
公忠不負衣冠選槐棘均叨雨露同

癸卯十一月十三日恭遇

聖祖仁皇帝忌辰緬懷

顧復深恩瞻對無由不勝悽愴敬賦六韻以抒罔極之
思

寢門不再省晨安睽隔傷懷閱暑寒思慕情殷勞夢寐
几筵頻展痛汎瀾歲時每愴推遷易

恩德難忘覆載寬付託獨深羞淺薄命提莫望益悲酸
天心此日猶能復

聖範無時更奉懽瞻對

御容風木慘何禁
哀涕欲摧肝

耕耜

農事惟邦本先民履畝東
翠華臨廣陌綵輶駕春風
禮備明神格年期率土豐
勸耕時厯慮敢為惜勞躬

詣太學

禮樂牖民資大化國家造士在斯文
臨雍觀禮崇儒切視學論經養雋殷
濟濟橋門龍旆繞雍雍壁水鳳毛紛

千官咸慶文明盛還佇同風率土訢

三月三日得雨

三春淑氣動萌茲膏雨知時四野皆東作共看霑溉足
西成咸慶歲時諧桑桑陌上青含秀穉麥田間綠正佳
竚覽霏霏飄灑意眷予兆庶少抒懷

賜大學士張鵬翮暫假塋親

孝思忠悃本相成蜀道迢迢去帝京自是白雲增戀慕
非關綠野樂幽清松楸得展酬親志魏闕長懸報國情

好待瀧岡封馬鬣速還黃閣贊昇平

母后週年述哀一首

有序

母后升遐條經週歲痛色笑之難追想音容而切慕潛
然淚下賦此哀辭

為念

慈恩重難禁涕淚懸尊榮心莫罄恍惚歲云遷物候常
如此音容獨渺焉寢門空在望一望一凄然

述懷

眇躬臨億兆兢業凜淵深先哲羹墻見前徽手澤尋弛
張遵

祖訓賞罰順

天心庶績勤宵旰微幾慎影衾衛詩防酒酒夏訓戒從
禽每喜親耕稼長懷勸織紉菽葵村落圃桑柘水邊林
民乃邦之本誠為

帝所歆三冬盈瑞雪九有遍甘霖歲稔田家樂河清漁
父吟羣英襄治理列士獻規箴勉詠南薰曲多慚繼舜

琴

卷二十八

冬至齋宮二首

晨曦炯炯潔齋宮一縷爐烟散綺櫳
暖氣潛回葭琯律
早梅先綻玉階風中孚默契天人理
來復明彰造化功
漫道書雲成故事精禋惟藉寸心通

凌寒松柏耐嚴冬帶月含霜度禁鐘
午夜無眠思戒凜
詰朝崇祀務齋恭初陽鼓動開三殿
萬象昭回映九重
嘉節屆臨生意始虔祈

上帝惠吾農

甲辰十一月十三日恭值

皇考二週忌辰感時永慕哀痛填膺灑泪述哀敬成一
律

霜露重驚歲月侵撫時莫解感傷心慕思實切終身永
恩德難酬罔極深那得

寢門重問膳每懷

聖訓更霑襟朝來回憶前年事痛抱終天自古今

是日瞻拜

御容追憶

慈顏不勝悲愴再成一律

屈指違

顏歲再周飛光逝水兩難留

聖儀秋肅欽淵默

天語春溫想噢咻薦食哀生松殿裏捧觴泪灑玉階頭
兢兢繼述何堪道服

訓常懷負荷憂

耕藉詩有序

禮天子為藉千畝躬秉耒以耕所以敬祀典重農功示
先民也稽之月令每歲孟春古帝王實從事焉我

聖祖冲齡踐祚越十一載壬子始行耕藉禮夫藉以敬
天重農而

聖祖在位六十餘年宵旰憂勤靡時或釋凡立心行政
盖無刻而非寅畏昭事之誠無事而非勞民勸相之實

也是以家給人足時和年豐而成長治久安之天下朕
繼統之次年甲辰春既率羣僚躬耜南郊今歲乙巳復
舉行焉是日也靈雨既零春陽初霽履我阡陌秉耒耜
耜三推禮成兆庶歡洽傳曰先之勞之又曰無倦斯典
也朕非欲為一時之盛觀亦非欲博千載之美名況大
典非炫耳目之具而飾名之事又朕素所弗為惟是祇
承

聖祖重農家法率吾民敦崇本務而與臣工敬勤無倦

以庶幾康阜之成俗也并紀以詩

蒼馭千官引乘時事藉田從來重稼穡何敢惜勞先履
畝迎膏發羣公繼耦聯所祈同億兆歲歲介豐年

雍正三年乙巳二月十有二日

皇考服制告除違情從禮遡時增愴敬述紀哀

告祫今朝愴益滋服除從吉禮從宜頻看冉冉流光轉
每慮悠悠報德虧承大業惟循夙訓念詒謀祇奉成規
無如瞻戀終難及莫罄纏綿結永思

初夏偶閒

清閒偶得萬幾餘
水殿蓬壺九夏初
夜聽甘霖澆沃野
曉看佳氣繞宸居
綠荷池畔吟新句
翠竹林中披異書
時領薰風知解愠
松濤緩送度窓虛

母后二週諱辰

自隅

慈顏杳重臨
此日悲音徽
徒有慕尊養
已無時
思念劬勞重
心驚歲月馳
朝來益為愴
撫序淚空垂

賜莊親王

金章玉珮冠通侯班列彤階最上頭
儀表宗潢高樂善屏藩王室重宣猷
桐圭分錫開朱邸棣萼聯輝映鳳樓
捧日丹忱勤翼贊天家恩澤自長流

賜果親王

天潢宗錫爵宗子重維城共荷屏藩寄
知敦翼贊情好書傳沛獻樂善紀東平
望古幾前哲相期保令名

乙巳仲冬追憶

皇考升遐脩周三載孺慕之忱與時俱積恭詣

景陵拜謁以伸哀痛

恭陳

服御儼憑依拜奠菁茅凜不違四十年餘

思浹髓一千日裏涕沾衣

寢園翠繞熊羆護陵樹霜寒鳥雀稀翹首五雲猶在望
忍乘清蹕告言歸

暮春野望

戶牖凌虛百尺樓
川原霽色坐中收
綠蘿灌水園蔬茂
碧浪翻風壠麥稠
楊柳坡邊眠牧豎
杏花村畔泊漁舟
昇平覩此豐年景
更憶英賢濟遠猷

閒咏

苑柳千條拂地垂
紅塵飛不到軒墀
炷餘古鼎晴烟裊
題罷長箋畫漏移
松影參差摩詰畫
禽聲上下浩然詩
遙空喜見濃雲合
恰是吾民望雨時

母后三週諱辰

鞠我

恩深重違顏夢渺茫三年成逝水百感對流光黯黯慈
雲在迢迢仙路長朝來又臨諱含愴仰空蒼

偶題

舜禹傳心十六字執中一語貫精微漫從體用觀真妄
不向筌蹄覓是非大地春風揚道妙碧天秋月露清機
箇中密諦何人會魚自深潛鳥自飛

月夜聽泉聲得句

逶迤洲渚薜蘿幽苑靜偏宜秉燭遊萬樹林梢看月上
三峯巖畔聽泉流濺衣珠灑晴疑雨憂玉湍鳴夏似秋
風激潺湲聲不斷夜深戀賞未回舟

知魚亭待月

傳呼不用上林丞傍水登臨遠鬱蒸解渴漫調金掌露
清心勝飲玉壺冰知魚亭畔觀魚躍得月臺前望月升
烟歛碧池星漢皎玉欄高處儘堪凭

賜怡親王

勤政樓頭花萼芳親賢心膺藉匡襄忠誠謹慎謨猷著
公正廉明譽望彰經理度支需贊畫疇咨水土奏豐穰
年年景福由天賜長秉丹衷達九閭

賜侍郎沈近思

冢宰官資貴寅恭屬亞卿俱邀三命重並列六曹榮操
比寒潭潔心同秋月明所期庶政理海宇日澄清

賜總督查弼納

時雍佳氣浹寰瀛繡戟牙幢制閭榮兩省風霜澄吏治

三春雨露洽輿情位高定效公忠實職鉅非循廉謹名
文武兼資才自裕佇期嘉績佐昇平

賜總督楊宗仁

絳節金章制上游雄藩兼控主恩優分疆名帥歸鈴轄
繡錯方州待運籌文武和衷羣吏憲軍民一體大臣猷
殷勤早夜遵天語會見酬庸第一流

賜總漕張大有

天儲闕國計輸輓最艱辛艤軸來千里膏脂念萬民無

憂任土貢已得濟川人
豈靳功高賞恩光寵錫頻

步月至泉畔試茶

飛閣流雲護碧紗
曲欄掩映竹陰斜
巡簷步月敲奇句
坐石烹泉品貢茶
乳液清逾花上露
春旗嫩展雨前茅
水天一色明如晝
照見溪魚戲淺沙

聞鴈

萬幾聽覽省行遊
鏡裏韶華逐水流
木葉榮枯紀歲月
鴈聲南北報春秋

觀瀑布

風過林靜片雲還物外逍遙意趣閒
鷺鳥扣關聲剝啄
澗流噴雪響潺湲光寒古鑑飛霜練
翠滴晴嵐滌霧鬟
豈必蓬瀛誇勝蹟翛然清境在人間

湖際聞野寺鐘聲

長伴子遊鶴與松何煩扈蹕得從容
湖烟淡罨迎人月
山寺遙傳定夜鐘不問清脩談內典
懶將密意叩南宗
悠然梵響因風送暗數雲林第幾峯

月

寶鏡奩開昇自東星疎雲淨正秋中從看圓潔今宵滿
即此晶輝萬古同奕奕榮光蟾吐彩溶溶澄景水明空
當筵坐愛團圓好時得香飄桂子風

世宗憲皇帝御製文集卷二十八

欽定四庫全書薈要卷一萬三千二百七

集部

世宗憲皇帝御製文集卷二十九

詩四宜堂集

仲丁祭

文廟

扶植綱常百代陳天將

夫子覺斯民帝王師法成隆治兆庶遵由臻至淳道統
常垂今與古文明共仰聖而神功能邈自生民後地闢

天開第一人

耕藉

無逸農功重
豳風稽事先
方春勤夙駕
乘令為親田
夾隴千官肅
扶犁百辟聯
禮成終畝後
父老慶豐年

夏夜不成寐

疎簾香散御
鑪烟萬井沉
沉翠幔懸夜
靜梵音來水
面月明漁唱
到窗邊虛堂
慮息難成寐
冰簟心清即
入禪惟有團
團荷上露晶
瑩可擬意珠
圓

雨後湖亭看月

鄙聽秦聲却楚優每於山水暫淹留翠含宿雨千竿竹
高出層雲百尺樓湖影遠浮隨棹月柳塘斜繫釣魚舟
坐深暑退凡情爽一片清光入鏡流

宮中偶成

紫禁遙聞玉漏遲露華滴遍萬年枝風簾不動塵喧隔
月滿瑤階意孰知

賜淳親王

滿樹繁花應候榮
蟠根奕葉託瑤京
試看華萼相承意
更聽堦簷迭和聲
帶礪永存苗裔業
豆邊有踐弟昆情
天朝屏翰家庭事
莫負皇心眷顧誠

賜都統拉錫

羽林十二應星文
直宿周廬向夜分
陣識風雲才自裕
身依日月志彌勤
鷹揚早領熊羆士
虎拜常參鴈鷺羣
辦得丹心捧宸極
時清莫漫羨奇勲

賜提督郝玉麟

元戎擁節鎮巖疆特簡殊榮姓氏香閨外長城資一面
胸藏武庫靖多方旌旗整暇軍容肅紀律嚴明士氣揚
盛世籌邊重頗牧宸應為錫龍光

賜提督高其位

太和累洽慶橐弓專閩還推赫濯功裨益軍民資偉畧
劑調文武在和衷拊循正及從容日謀勇皆由訓練中
元老旂常書茂績雅歌應有穆如風

桃花塢即景

禁園宜雨復宜晴別館春深枕簟清數片落花驚午夢
一聲漁唱惹閒情暫移榻向松間坐恰聽禽來竹裡鳴
惟有東風知我意滿池新綠浪紋生

詣太學

辟雍親蒞止典禮重叅稽管籥仍魚雅威儀自整齊禮
門資至化義路牖羣黎永翊文明治休徵共受禔

其二

善俗禮為本仁民域可躋崇儒申術教造士列東西共

式習如性咸成璋與珪興賢勤寤寐振德日提撕

春夜釣魚磯聞笛

暮雨一簾初捲東風萬卉齊芳隔林漁火明滅沿溪笛
韻悠揚

會心處試筆

秋霽瑤臺晚眺夜深便殿宵衣神會園林妙趣心勤一
日萬幾

桃源深處

溪外每聞犬吠林間日聽鶯聲漫問武陵何處且來此地移情

響泉山房賞月

薄暮鳴蟬歇松濤響曲廊清陰生殿閣霽色暎林塘皎
潔銀河近迢迢玉漏長波飄菰米滑風動藕花香坐石
吟新月臨流納晚涼一鈎纔吐豔粲爛隱螢光

仁明齋咏懷

憶昔園林趨覲回朱門靜掩不輕開怡情看竹邀僧話

餘事移松傍水栽
勤政原因涵養到
任勞却自靜功來
萬幾日日如絲緒
勉強竭心思手自裁

沿湖遊覽至菜圃作

一行白鷺引舟行
十畝紅蕖解笑迎
疊澗湍流清俗念
平湖烟景動閒情
竹藏茅舍踈籬遶
蝶聚瓜畦晚照明
最是小園饒野致
菜花香裏轆轤聲

帝京篇

磐石占幽薊
金湯固帝京
幅員寧有外
帶礪自堪盟
形

勢河山拱星文氣象清休徵荷地力瑞應感天成濟濟
匡時器熙熙擊壤情溪流穿禁籞霞彩映重城日照朱
甍麗塵飛紫陌輕烟花織錦繡鶯燕唱昇平池暖魚吹
絮蘭熏蝶抱英新荷初浥露宿麥晚蒸晴極浦漁舟杳
斜陽牧笛橫所希均雨澤南畝問春耕

舟中納涼

開遍芙蓉水為香疎槐鴉影亂昏黃停舟待月尋佳句
捲幔吟風納晚涼漁笛數聲飄遠岸茶烟一縷颺修篁

暢舒心志逢清夏寂寂花陰漏正長

賜怡親王

皇皇藩服惟德是榮眷言賢王謨猷光明夙夜小心以
忠以誠弼予一人庶績用成喜茲翊贊朱邸斯營上棟
下宇永安且寧有策其基有壯其楹奕世承之長衛帝
京慶既令居式昭頌聲

又

惇族由來重本支賢聲况復叶墳荒心懸北闕知忠悃

第賜東華表令儀禁院聯輝雙蒂樹上林移植萬年枝
永惟堂構資寅亮載咏南山福祿宜

暮春雜詠

春雲澹蕩滿平湖渺渺烟波接綠蕪芳甸雨過花競笑
畫橋風起柳相扶鶯歌鳥語天然曲水秀山清自在圖
勝景已超塵世界何須駕海訪蓬壺

其二

爐烟裊裊拂簾櫳太液波澄曉鏡融卜歲喜看三月雨

惜春深坐百花風紅塵不到黃金闕香霧時遮碧玉宮
對此上林光景好清平願與萬方同

夏日勤政殿觀新月作

勉思解慍鼓虞琴殿壁書懸大寶箴獨攬萬幾憑溽暑
難拋一寸是光陰絲綸日注臨軒語禾黍常期擊壤吟
恰好碧天新吐月半輪為啟戒盈心

雨後九洲清宴望西山

蕪葭葉上雨聲過乍覺新涼颯颯多山色崔嵬千疊翠

湖光潋灩萬重波，遊魚避釣依寒藻。
翔鳥驚絃就碧蘿，莫訝金風催改序。
秋暉偏好快晴和。

仲秋月夜題於清會亭

深沉院宇桂香浮，寂寂溪園色相幽。
靜向庭中持佛偈，閑來月下泛扁舟。
雲迷入夢林間鶴，浪逐忘機水面鷗。
對此清光神會處，岸蘆汀蓼一天秋。

新霽苑中秋色頗佳臨流翫賞率成一律

步輦從容雨後臨，湖亭景物可追尋。
幽花戲蝶紅芳晚。

密藻潛鱗碧漲深寥泐天光增遠趣潺湲澗水靜塵心
閑遊不用調絲管自有松篁奏好音

喜雪

夙夜期瓊屑三冬日見晴省修求直諫祈禱秉精誠瑞
雪春時降彤庭喜氣盈

蒼旻仁愛普億兆荷生成

戊申除夕守歲

送臘迎新節年過半百初道心隨日進佳興逐時舒寶

鼎宮香靄瑤階瑞雪餘載欣豐裕兆大有望頻書

春夜永春亭作

霏微池館罨春烟銀漢迢迢淑景妍魚躍清波驚犬吠
月穿綠柳覺鶯眠折蕉戲寫題花句接竹斜通傍檻泉
良夜寸陰應共惜豈容虛度豔陽天

百花亭春詠

漣漪碧水浸苔痕垂柳絲絲靜掩門月上海棠驚鳥夢
雨來庭院浴花魂

幾暇偶題

識得幾暇趣絲綸不假言孰知宵旰裡却是絕塵喧

暮春有感

虛窗簾捲曙光新柳絮榆錢又暮春聽政每忘花月好
對時惟望雨暘勻宵衣旰食非干譽夕惕朝乾自體仁
鳳紀分頒雖七度民風深愧未能淳

如意歌賜怡親王

彩雲冉冉鸞鶴翩鸞鶴背馭雙神仙南極西池環珮聯

雙雙同慶帝胄賢手執如意來當前篆刻蝌蚪黃金填
晶熒上下星文纏瑤臺此日喜氣偏琅琅更聽仙語傳
唱隨偕老如和絃既指山海為歲年復言日月同團圓
煌煌帶礪眷便便子孫永保福且綿予因仙語嘉喜駢
為爾歌雙如意篇

朕御極七載宵旰萬幾未遑他出已酉夏因命將
遠討誓師於南海子緬懷曩日侍奉

皇考巡幸此地

色笑儼在目前而

龍馭杳然邈不可攀俯仰徘徊曷勝今昔之感爰成一
律以述追思

花開野甸不知名按轡依然輦路平細草當時隨駐蹕
垂楊此日繞行營河山滿目音容邈風景關心歲月更
禁旅多年蒙

教養畀余戡定作干城

己酉夏南甸大閱

陳師鞠旅卜良朝萬里餽糧備已饒習戰自能閑紀律
臨戎惟在戒矜驕劍瑩鷗鷖清光閃旗繞龍蛇赤羽飄
聽徹前鋒歌六月雲臺合待姓名標

其二

風拂榆槐曉角鳴築壇選將命專征颼颼羽箭穿楊巧
獵獵雲旂耀日明萬里玉關平虜穴三秋瀚海渡天兵
裹糧帶甲須珍重掃蕩塵氛遠塞清

秋日登四佳樓晚眺

庶務紛紜綜理暇偶將幽興寄泉林樓臺況復秋光潔
花木偏宜霽景臨西嶺層巒千疊翠東湖細浪萬重金
澹煙輕靄踈槐杪接陣鴻歸夕照沉

月夜平湖放舟

風捲平湖玉簾紋沙汀落葉正紛紜微微隔岸螢光隱
歷歷橫空鴈字分碧浪載舟舟破浪白雲籠月月穿雲
渺然秋爽超凡界欲問西山鸞鶴羣

偶占

碧桃吐艷鶯初轉
丹桂含芳燕又歸
日往月來傳大道
花香鳥語洩真機

仲秋月夜感懷

碧天皓魄印長空
嘹唳初聞度塞鴻
榴子結成崖石畔
桂香飄入渚煙中
溪環松老重添翠
巖映楓疎半綴紅
追憶昔年秋夜宴
不禁此際感西風

追憶舊景有感

時名向鄙倩人推
洗竹澆花坐釣臺
畫舫新晴看月上

平橋細雨送春回行無干譽心恒逸境不移情量自恢
蕭散當年吟獨樂憂勤今日覓羣材民風澆薄須陶化
世態叅差待品裁覽疏宵忘泉石美臨朝曉聽鼓鐘催
纖毫坐悉千官奏方寸頻勞庶務來追憶安閒成夢幻
雙眉鎖處阿誰開

偶成

晴空瞬息片雲生風捲千堆雪浪驚石虎泥龍爭鬪罷
澄潭湧出月輪明

又

長空萬里碧天秋絕點純清亦不收識得如如妙中妙
塵塵刹刹任悠悠

賜總督高其倬

崇牙高建秉洪鈞遠控巖疆軼等倫兩省山河司筦鑰
萬民肥瘠視經綸還持絳纛開軍壘永矢丹忠答禁宸
操凜冰霜功帶礪匡時重鎮眷良臣

賜總督李衛

保障鴻才奏績新
每將重寄委賢臣
須知令器承殊眷
貴有丹忱答紫宸
訓練多方資輯旅
撫綏無怠在誠民
龍章用錫昭旌勸
益勗嘉猷輔一人

平湖秋月

樹杪暮烟收
晴光逐水流
淺沙閑立鷺
輕浪穩眠鷗
心月雙圓鏡
湖天一色秋
恍疑星漢裡
縹渺玉京遊
長至日題於至誠不怠軒

殿角星躔報曙鐘
乾乾無逸每憂農
葭灰協律雲占歲

粉絮翻階雪應冬時對神明持敬念日臨兆庶用中庸
願言四海昇平共莫道尊安屬九重

世宗憲皇帝御製文集卷二十九

欽定四庫全書薈要卷一萬三千二百八

集部

世宗憲皇帝御製文集卷三十

詩四宜堂集

朕因去冬未雪憂懷莫釋夙夜竭誠祈禱於驚蟄
後二日荷蒙

上天鑒佑春雪下降朝野同歡因成一律用誌欣慶
霖霖愆期憂歲儉臨軒愁詠憫農歌三冬望雪心如渴
此日飛雲氣始和

蒼昊垂慈施愷澤黔黎有幸沐恩波遙思九土應同慶
積素凝華知幾多

圓明園道中寓目

御園西郭外初夏景堪娛金線遮橋柳濃陰夾道榆麥
翻千頃浪魚躍半池珠雨後平蕪綠塵清輦路濡

多稼軒勸農詩

夜來新雨過畿甸綠平鋪克盡農桑力方無饑凍虞蠹
筐携織婦麥飯飽田夫坐對春光晚催耕聽鳥呼

哭怡賢親王二首

宗室屏藩重朝端柱石崇持身惟正直應物本虛公青
史經天略丹心貫日忠銜哀為作誄難與述豐功

其二

總帳陳筵日雲輶載道時悲深萬民淚痛失百寮師獻
替猶如昨儀容儼在斯可憐風雨急花萼損連枝

怡賢親王輓詩三十韻

天錫親賢篤本支惟王德業贊純熙功存廊廟寰區仰

道冠宗藩百辟儀少日溫恭承

帝眷髫齡孝謹荷

恩慈問安每候龍樓啟扈蹕常隨豹尾馳圭璧精神昭
粹質鳳麟苞彩擅英姿自然才藝該文武卓爾端凝絕
黨私三紀無慚臣子道八年攸賴股肱資溯從大統祇
承日歷想嘉猷翊輔時佐理萬幾安億兆綜釐庶政挈
綱維度支式定邦財裕水利功興浩澤施減賦蠲逋勤
布算櫛風沐雨勸鋤基淤流通處成膏壤田隴開時養

稻粱九品掄才分玉石六韜訓士總熊羆霜威秋肅明
條教愷澤春溫善撫綏萬里邊防襄廟算兩軍輸輓佐
疇咨任兼官府仔艱鉅理析豪釐辨等差偉績固難更
僕數清標更繫久長思撝謙不恃金枝貴精白匪求黼
座知樂善薦賢時疊疊奉公體國日孜孜寬仁恤下孚
羣望廉潔居心凜自持八字褒崇皆實行四時賜賚必
晴曦慶流正喜天人合善積還期福祿宜豈意賡揚方
際盛忽驚寢疾永睽離鞠躬遑恤身前計矢志空餘沒

後悲猶憶懇情辭吉地竟循薄奠守遺規公卿徒步隨
旌仗老穉扶觀泣路岐贈謚載光崇德典加壇還樹冊
勲碑明裡配享千秋重素服銜哀浹月期縱極寵榮頒
禮數難酬懿美罄言詞應知靈爽歸仙籍留得鴻名萬
古垂

夜靜

星漢斜臨避暑宮石欄千曲綠陰籠風迴巘畔泉聲咽
夜靜人間月鏡空繞砌蘭薰香馥郁滿壺冰潔玉玲瓏

隔簾漏斷天如洗
新句吟成一枕中

松月吟

香飄桂子月初盈
涼泛松濤溪共鳴
叢桂影中和月影
萬松聲裏聽溪聲

謁西山大覺寺

重開香積奉金仙
松逕紆迴警蹕傳
野鳥靜吟僧院竹
梵鐘遙度御爐煙
幽水樹紅塵外寂
歷雲山大古前
自有莊嚴超色相
何須慧遠論真禪

秋分前二日月下作

露濕天階夜景賒
湘簾高卷樹棲鴉
寒蛩唧唧吟深砌
曲沼盈盈漲淺沙
風度桂叢香馥郁
月穿竹籞影橫斜
襟懷淒爽秋將半
落葉蕭蕭菊欲華

暮秋

散步御園東
清溪跨玉虹
一亭風冷淡
疊砌石玲瓏
秋老松含翠
霜濃柿綴紅
蕭然天氣肅
雲外度征鴻

花下偶成

對酒吟詩花勸飲花前得句自推敲九重三殿誰為友
皓月清風作契交

清閒

世間何處覓清閒只在朝堂城市間即此是非名利客
何殊野衲閉禪關

口占

花謝花開寒暑雁來雁往春秋惟有壺中日月無今無
古無休

仰瞻星垣

桂香芬馥夜涼生
露咽吟蛩萬籟清
碧漢接樓森斗宿
銀河映沼轉璣衡
雲開八表情無極
鶴杳三峯夢不成
此際寸心同朗月
微垣歷歷湛虛明

永春亭留春

小池風力軟檻外
柳陰交花點遊魚
藻泥香乳燕巢淡
烟浮水面纖月挂
松梢戀詠留春句
題箋未忍拋

年華迅速倏值端
陽箱貢冰紈案陳
角黍於頒賜

諸王大臣之際念及吾弟怡賢親王仙遊已週
一載不禁淒然涕下援筆賦此

韶光荏苒暗中遷開到榴花又一年節屆香蒲陳似舊
貢來細葛賜誰先檢文悲覽賢臣頌搦管慵裁棣萼篇
偉績殊勲無可答為營佳兆表新阡

國家為準噶爾跳梁不得已有用兵之舉自己酉
以來將帥士伍枕戈負盾野宿風餐三載於茲
矣朕每一廛念食不甘味寢不安席因避居便

殿停御讌會日與廷臣籌計軍需惟冀

上蒼默佑師旅早旋論功頒賞朕懷始釋爰作截句四
首以見意

天祿崇儒方便武長楊罷獵豈佳兵無端戍火明西塞
勞我星旗向遠征

其二

月照天山玉帳高風吹霜氣透征袍年來倦聽嘉禾頌
一飯寧忘汗馬勞

其三

玉門關外草連天一騎飛馳到日邊
報道單于甘就撫
羽林齊唱凱歌旋

其四

將軍跨馬擁戈矛壯士驅車久未休
一紙捷書期早至
黃金鑄印待封侯

環秀山房對月

暑退林泉爽新秋景物佳
蛩吟依蘚砌鶴跡印溪沙
攬

筆評山色擎杯對月華坐深羣籟寂竹樹影橫斜

觀釋典偶題

渾忘雲駛月輪遲不悟舟行覺岸移世界三千皆有量
慧珠一顆淨無涯

秋日登樓有感

尺壁誰言抵寸陰曠然懷抱豁登臨放情緬邈雲峯古
極目蒼茫烟水深猶憶童年花下戲倏驚鶴髮鬢邊侵
眼前秋色當堪賞況復新晴月滿襟

除夕

今年今夕送明歲
明晨迎只此憂勤念
乾乾無滅生

晚晴遠眺

垂柳陰陰亭榭落
花點點池塘情怡平
林暮靄目極芳草斜
陽水磴溪邊自轉魚
罾籬外誰張萬里清
光皎潔數聲笛韻悠
揚

端陽前一日為吾弟
怡賢親王二週之辰
每一回思輒傷懷抱
作五言律誌感

詰朝端午節再命罷稱觴歲月如流邁容儀何日忘安
邦思柱石覓句夢池塘物候頻增感情隨綵縷長

去冬無雪今春雨未霑足朕心憂畏莫可言喻幸
於前五月十八日甘霖傾注枯焦頓解不覺喜
而成詠

節過五月半膏雨尚愆期晝夜憂農事精虔籲

帝慈風迴雲氣合澤沛野苗滋田畯須勤課耘耔正及
時

深柳讀書堂消夏

麴塵綠染萬條絲
翠地濃陰暑暗移
旋漬霜毫鋪玉版
細研荷露寫新詩
一天月色畫圖古
兩部蛙聲鼓吹奇
瀟灑樓臺臨碧水
夜深倒影靜垂垂

秋日寓目成詠

玉露金飈肅昊穹
澄泓秋水映簾櫳
羣峰黛染呈寒碧
遠浦霞明蕩晚紅
風度桂林香滿院
月穿鴈字影書空
予懷喜慰西成候
多稼如雲處處同

秋夜印月池作

雨後添新漲盈盈碧沼深
臨流洗俗耳對月靜塵心
松引仙禽舞萍搖錦鯉沉
颯然風拂面翠竹助清吟

壬子歲九月七日吾弟怡賢親王定窆於水東村
朕念手足至誼兼以輔弼功勤獻替忠款撫今
憶昔情不能已因親臨奠送稍伸積痛夫神遊
於天魄藏於地亘古迄今理之常也但以吾弟
之親賢為國家柱石幽明異路於茲永別當深

秋草木黃落之際朕心曷勝悽愴爰賦此詩以
寫懷

西風瑟瑟草離離慘對靈筵奠酒卮荆樹凋殘驚日晚
雁羣零落入雲悲邈焉不返遊仙夢行矣休歌薤露詞
此際親臨無限痛九泉英爽料應知

暮春四宜堂咏懷

花繁如錦草如茵雨細風輕物候新朱郎舞筵成往事
斑衣戲綵久凝塵萬幾宵旰忙中趣百歲光陰夢裡真

不問春歸何處去惟聽燕語報芳辰

荷池玩月

閒行傍水覺清涼半刻徘徊百慮忘月上園林添秀色
風來池沼送幽香紅衣露墜蓮房粉素練光凝鏡面霜
夜靜暑消多野趣悠然自得咏滄浪

立秋前二日遊湖亭

放情幽興付漁簑瀟灑林亭樂太和每踏芳叢尋古句
閒乘小艇泛清波烟凝翠黛山疑霧風颭斜紋水似羅

深砌蛩鳴殘暑退高梧蟬噪晚涼多炎雲漸斂秋將近
霽景纔看夏欲過靜聽菱歌音韻好何須簫鼓濟汾河
初秋咏月影溪聲

月挂半空飄素影溪流一派送秋聲溪聲入耳原無意
月影穿簾似有情

秋日登朗吟閣寓目

縹緲遙峰帶夕曛晴光歷歷望中分橋移虹影當溪卧
風度蟬聲隔岸聞數片晚霞三徑菊一潭秋水半床雲

高亭避暑纔吟罷又聽金飈送鴈羣

秋夜述懷

桂香盈院宇銀漢淨無垠耿耿難成寐澄懷慮兆民

立春

晴光當戶映淑氣逐人來凍草蘇先覺枯條暖自催薦
新紅菜甲應候綠英梅為問迎春吏農疇幾處開

初夏西苑遊矚

前廷午退紫宸班迴輦尋幽竹石間一息不停新綠水

四時相對舊青山溪烟澹蕩平臺晚林影參差夕照閑
鳥識禁園棲託穩每看飛去又飛還

蓬萊洲詠古

唐家空築望仙樓秦漢何人到十洲塵外嘯歌紅樹晚
壺中坐卧碧天秋廟堂待起烟霞侶泉石還看鶴鹿遊
弱水三千休問渡皇家自有濟川舟

萬方安和軒秋日作

霜飈颯颯度楓林紅葉如花碧水潯每感金行成物品

常推道念格人心
翱翔彼鳥呼羣樂
含哺吾民鼓腹吟
四野喜看農事畢
聿修百職政維今

中秋

冰輪圓此夕華彩耀寰瀛
雲霧長空淨乾坤一色明
金波簾影動玉露桂香清
海內同歡節家家笑語聲

感秋

清秋玉宇淨纖塵銀漢澄輝
物候新雁陣排空橫紫塞
桂香綻露報霜辰涓涓石瀨
溪流月瑟瑟金飈風度蘋

撫景不禁興感慨
啼蜚無那送聲頻

雨後郊外泛舟

霧歛西巖暑氣消
微風正好泛輕橈
新晴燕雀低臨水
積雨菰蒲密礙橋
到處湖山惟竹月
數家烟火盡漁樵
瀛洲宛在京畿右
不羨仙槎去路遙

夏夜

畫檻臨池柳半遮
纖塵不到靜無譁
惠均方物分丹荔
冷浸盤冰剖碧瓜
風送荷香來枕畔
月移竹影上窗紗

數聲鶴唳清詩思銀漢流輝夜景賒

新晴遣興

遠水明斜照殘霞有似無嵐光浮樹杪橋影射池隅鵲
唱平安曲荷呈如意珠天然詩裏畫懶繪輞川圖

偶題

秋宵噉噉雲間鶴古調泠泠松下琴皓月清風為契友
高山流水是知音

秋夜

瑟瑟西風起白蘋臨流曲檻淨無塵苑供火棗盈盤赤
枝綴葡萄下架新雨後晚涼清几案山空夜氣靜心神
悠然一縷爐烟細虛室忘言契道真

河沙

河沙千世界只此一微塵為見禽魚樂方知天地春無
心還是妄有說却非真識得西來意時時景物新

自遣

清晝梵風傳磬中宵禪月滿床聲色是我得會色聲與

我兩忘

偶成

斗柄旋東月建寅
餘寒斂盡歲云新
鳥歌花舞真如相
水綠山青自在人

自疑

誰道空門最上乘
謾言白日可飛昇
垂裳宇內一閑客
不衲人間個野僧

題畫

一派濤聲湧渡頭寒江漠漠楚天秋可憐兩岸蕭條柳
似為行人綰去舟

雨後對月偶成

碧天一輪蕩漾皎潔萬里晴輝夜漏沉沉院宇寂然默
會圓機

深柳讀書堂避暑

三庚節屆祝融臨閑對明窗閱古箴樹杪鶯喉調妙曲
檻邊蝶翅舞芳襟嫩荷香遠風頻遞深柳陰重暑不侵

移榻簾前何所思
要賡解阜入虞琴


夏夜即景

松蔭溪流靜雨餘
峰影寒夜深塵慮
滌河耿漏聲殘清
韻風敲竹幽香露
滴蘭長空神妙合
心月會雙丸

中秋夜

月華當戶彩盈盈
九十高秋序正平
他夕偏宜茲夕好
今年却勝去年明
輝含珠露凝仙液
光委金波滿玉觥
聞說蟾宮多桂子
天香時覺拂衣清

世宗憲皇帝御製文集卷三十



總校官庶吉士_臣張能照

校對官檢討_臣王福清

謄錄監生_臣衛子忠